



UNIVERSITÄTS-
BIBLIOTHEK
PADERBORN

Universitätsbibliothek Paderborn

Trutz Nachtigal/ oder Geistlichs-Poëtisch Lust-Wäldlein

Spee, Friedrich von

Cöllen, 1672

Das Geheimnus der Hochheiligen Dreyfaltigkeit/ so wol Theologisch als
Poetisch/ wie viel geschehen können/ entworffen:

urn:nbn:de:hbz:466:1-43773

Großwolt hat widerfähret.

28. Drumb lobet ihn/ du zahmes Vieh/

Du wilde zucht beyneben:

Ihr Vögel schnel/ so dort/ vnd hie/

Bald hoch/ bald nider schweben/

Ihr König stolz/ ihr Vöcker vil/

Ihr Jüngling grün von Jahren:

Ja auch kombt her zu diesem spl: l

Ihr Alten greiß von Haaren.

Das Geheimnis der Hochheiligen

Dreyfaltigt: it / so wol Theologisch als

Poetisch / wie viel geschehen können/

entworfen:

1. Ihr schöne Geister Seraphim

In Glantz/ vnd Fehr betleydet/

Ihr schnelle Knaben Cherubim/

Zum Gottes Lob vereydet/

Stimmt ein zur besten Harpffen mein/

Zur Harpffen frisch beschnüret/

Zunglatt gezielten Versen rein/

Auß höchstem Thon entführet.

2. Vom Herzen groß/ Gott Sabaoth

Erd/ Himmel starck erschallet:

Dem einsam drey/ drey einem Gott.

Das Meer/ in brausen waltet.

Eyda laßt vns mit stimmen ein/

Laßt vns die Seiten rühren/

Laßt vns bey süßen Versen rein:

Die zarte Nöten führen.

3. Der Vatter/ Sohn/ vnd heylig Geist:

Ist eines nur zusammen/

Doch drey mans je verscheiden heist/
 Mit Eigenschafft vnd Namen.
 Selb. ständig seynd Personen drey/
 Sols niemand nit verneinen/
 Daß diese drey doch eines sey/
 Mit schrift mans kan bescheinen.

4. Man zehlet die selbständigkeit
 Vnd hieiber vnder dessen
 Ein ungezohlte Wesenheit/
 Vnd Gottheit vnermessent.
 Ist eine Macht vnd Herrlichkeit/
 Ist eine Krafft vnd Stärke/
 Ist eine Größ/ vnd Ewigkeit/
 O nur mich recht vermercke.

5. Der Vatter/ Gott vnd alles ist/
 Allein ist er von keinem:
 Der Sohn/ auch Gott vnd alles ist/
 Allein ist er von einem:
 Der Geist auch Gott vnd alles ist/
 Allein ist er von zweyen:
 Doch alles aller eigen ist/
 Zhat keiner nichts entlehnen.

6. Der Vatter kam auß niemand zwar/
 Dich laß noch baß bescheiden/
 Vom Vatter kam der Sohn fürwar/
 Der Heilig Geist von beyden/
 Der Sohn ist von dem Vatter sein/
 Nicht ohn geburt entsprossen/
 Der Geist von beyden in gemein/
 Doch ohn geburt entlossen.

7. Der Sohn auß seines Vatters Schoß
 Von ewigkeit geböhren/

Ist

Ist End. beginn vnd Mutter-loß:

Verstandt gibt hie verlohren.

O Sohn / du deines Vatters glantz;

O liecht vom liecht gezündet;

Deß Vatters wesen / vnd substanz

Vnendlich / vnergründet

8. Das wesen sein / dir höret zu /

Das deintg ist das seine /

Bist nur was Er / vnd Er was du /

Gar fest ichs also meine:

Doch du nit bist / wer eben Er /

Auch Er / wer du nit nichten /

Wers anders meinet fehlet ferz /

Der glaub es muß entrichten.

9. Von beyden bist / O beyder Geist /

Gleich beyder fürgetretten /

Von beyden gleichsam hergereist /

Gleich beyden anzubetten.

Dem Sohn vnd Vatter / beyden gleich /

In gleich / vnd selben wesen:

Ganz eben mächtig / eben reich /

O wolstand außerlesen!

10. Dasselbig / was der Vatter ist /

Was auch der Sohn imgleichen /

Du selber auch natürlich bist /

Thut keiner keinem weichen:

Doch wer der Sohn / vnd Vatter ist /

Selb-ständig in personen /

Der selbig du nit nichten bist /

Wie wol bey selber Kronen.

11. Was du dan bist / Sohn / Vatter ist /

Das wesen aller beyden:

Wer du doch bist/ ihr keiner ist/
 Personen seynd verschieden.
 Von dem/ was eben selber bist/
 Ein Gott von Gott sich rühret:
 Von denen/ deren keiner bist/
 Dein Ursprung sich entführet.
 12. Ach führe mich in hohem Lauff/
 Begleite mich in Lüfften;
 Erhebe mir von Erden auff/
 Die schwäre Fuß/ vnd Hüfften.
 Mich laß nach ferner machen kund.
 Dem Leser vnverdrossen/
 Wie Sohn/ vnd Geist/ ihr alle Stund
 Seyd ewiglich entsprossen.
 13. Der Vatter sich von Ewigkeit
 Nothwendiglich betrachtet/
 Sein Wesen/ Pracht/ vnd Herrlichkeit
 Er mit Verstandt erachtet.
 Sich selbst er ihm bildet ein/
 Vnendlich sich begreiffet;
 In ihm Geschöpff/ so möglich seyn/
 Im selben Blick durchstreiffet.
 14. Er gründet seine tieffe Macht.
 Wiewohl doch vnergründet:
 Beschawet seine Pomp / vnd Pracht/
 Sein Wesen er erkunden.
 Die Gottheit sein/ vnd gangen Swalt:
 Von ewig-alten Tagen.
 Er deutlich fasset in gestalt/
 Was wil man weiter sagen?
 15. Wie klar dan er sich selbst erkent/
 Wie selbst sich er mag wissen/

Also steht er von ihm behend
 Im Herzen abgerissen/
 Das Herken wort/ vnd Herk-concept/
 Von ihm/ gleich ihm gezeuget/
 Auch gleich mit ihm in warheit lebt:
 Der Glaub vns nicht betreuget.
 16. Weß wessens nun der concipist/
 So selb sich concipiret;
 Der schön Concept auch selber ist/
 Vnendlich gleich formiret.
 In ihm dieselbe Krafft/ vnd Macht
 Sich zeigt vngesehlet/
 Geschöpft in ihm/ als ob gesagt/
 Auch bleibens vnverhålet.
 17. Schau da dan zeigt sich das Bild/
 Ein Gott/ von Gott gestaltet:
 Ein Sohn von seinem Vatter mildt/
 Im wesen vnzerpaltet:
 Ein Red/ von seinem Mund gezielt/
 Ein Herk/ von seinem Herken/
 Ein Bild/ von ihm recht abgebildet/
 Ein Licht von seiner Kerzen.
 18. Ein Stern/ von eben seinem Stern/
 Die Sonn/ von seiner Sonnen/
 Der wahre Kern von seinem Kern/
 Der Bronn/ von seinem Bronnen/
 Der Schein/ von eben seinem Schein/
 Der Stral von seinem Stralen/
 Die Weißheit/ von der Weißheit sein/
 Kan besser dirs nit mahlen.
 19. Gleich wie der Vatter/ so der Sohn//
 Seynd eines nur sie beyden//

Ein einig Gott/ vnd zwo Persohn/
 All Irthumb soll man meiden.
 Nicht scheidet sich die Wesenheit/
 Natur bleibt vnzerpaltet;
 Sohn/ Vatter selben Scep: er beyd
 Wie der/ so der verwaltet.
 20. Der Vatter gar in sich verzuckt/
 Bleibt ewiglich im wesen/
 Sein helles Wort/ hell abgetruckt
 Er ewiglich thut lesen
 Er ewig in beschawligkeit
 Ob seinem Pracht erstarrét/
 Drumb folgendes auch in ewigkeit/
 Das Herzen wort verharret.
 21. Wer will nun zierlich reissen dar/
 Vnd mahlens nach dem leben/
 Wie dan sie beyde also gar
 In lust vnd Frewden schweben?
 Wer wil beschreiben ohn verstoß/
 Wie wunder dan getrieben/
 Mit außgespanter Flammen groß/
 Sich beyde gleich verlieden?
 22. Der Vatter in so werthem Sohn
 Die Schönheit sein betrachtet/
 Den Vatter auch in seinem Thron
 Der Sohn ohn massen achtet:
 Da reget sich mit starckem trieb/
 Bonein vnd einer seiten
 Ein hoch/ vnd hochgespannte Lieb/
 Ohn Anfang/ End/ vnd Zeiten.
 23. Der Vatter seuffzet ohne Ruh
 Zu seinem Sohn verliedet:

Der

Der Sohn ihm wider seuffzet zu/
 Sich gleichem Fewr ergibet.
 Zugleich dan er/ zugleich dan der
 Mit gleichem Brand befangen/
 Mit seuffzen hin/ mit seuffzen her
 Bezeugens ihr verlangen.

24. Aha der Vatter seuffzen thut
 Zu seinem Sohn geschwinde;
 Aha der Sohn auch seuffzet gut/
 Mit eben selbem Winde.

O schöner Sohn! du schönes Bild!
 Nun lieb ich dich so sehre.
 O schöner Vatter! Vatter milt!
 Zu dir mich eben fehre.

25. O schöner Sohn/ du morgenscheyn/
 Die Lieb ist vnermessen:

O schöner Vatter/ Vatter mein
 Auff dich bin gar erfessen.

Ah schöner Sohn du klares Liecht/
 Für Lieb ich gar erbrinne:

Ah Vatter mein/ ich freylich nicht/
 Dem Fewr ich nicht entrinne,

26. Aha nun da du schöner Sohn/
 Für Lieb kan mich nit lassen:

Aha nun da du meine Kron/
 Aha laßt vns ombfassen.

O Sohn du mein: du Vatter mein!
 Du meine Krafft/ du meine:

Vnd ich dan dein: vnd ich bin dein.
 O wollust in gemeine!

Schau da dan fräfftig windet ab
 Der seufftzer ihrer benden.

Der süsse Geist/ die süsse Gab/
 O Fremd/ ob allen Fremden!
 Der Sohn vnd Vatter; der/ vnd der:
 Gar lieb vnd freundlich hauchet:
 Auß einem Herzen her/ vnd her
 Der Achem süßlich rauchet.
 28. Von beyden kombt der Herzen wind//
 Von beyden gleich gewindet;
 Ist beyder Geist/ vnd seufftzer lind//
 Ahã so nie verschwindet:
 Ist beyder vnzertrentes Band/
 So niemahl sich entbindet:
 Ist beyder Blut/ vnd Herzenbrandt/
 Ohn maß/ vnd ziel gezündet.
 29. Der Sohn/ vnd Vatter ewiglich//
 Ohn end/ vnd ohn beginnen/
 Mit gleichem Herzen inniglich:
 In gleicher Lieb erbrinnen:
 Sie beyde zween/ vnd eines beyd//
 Sich ewiglich umbfassen/
 So sauset/ auch in Ewigkeit/
 Der Geist/ ohn vnderlassen.
 30. O süßer wind/ O süßer Blast!!
 Von beyden her geblasen:
 Erleuchte meinen Sünden-last/
 Heil meine Sund/ vnd Masen.
 Auch mache mich der Sünden loß//
 Der Bürden vnertträglich:
 Blast auff die Ketten/ Band/ vnd Schloß//
 Mit Seufftzen vnaußsprechlich.
 31. O gülden Regen/ gülden-fluß!
 Von beyden gleich ergossen:

D gült

O gülden Stral/ O gülden-schuf!
Von beyden fürgeschossen!

Thu nur die dürstend-Herzen dein
Mit deiner Gnad befeuchten;

Thu nur mit deinem klaren schein/
Die Kinder dein erleuchten.

32. Deß Sohns/ vnd Vatters einig Ruß//
In beyden vnzertheilet;

O starck/ vnd reicher Gnaden Guß!
So gleich all schaden heilet:

Vns deine Kinder spahr gesundt/
Das leben vns erstreckt/

Vnd aller vnser Herrg/ vnd Mundt.
Zu deinem lob erwecke.

33. Gelobet sey der einig Gott//
Zu tausent/ tausent mahlen/

Zu tausentmahl Gott Sabaoth/
Vnd noch zu tausent mahlen;

Gelobet die Dreyfaltigkeit/
Dreyfaltig in Personen/

Gelobet die Drey-Einigkeit.
Drey-Einig in der Cronen.

34. Der sey lob/ Ehr/ vnd Preiß gelobt//
Als nun/ von Zeit/ zu Zeiten/

O Vatter/ Sohn/ vnd heilig Geist//
In folgend Ewigkeiten.

Dich loben deine Seraphim/
In Glantz vnd Fewr betleydet//

Dich loben deine Cherubim.
Zu deinem lob verändet.